

EL LAGO DE IMER

L'altra sera mi ò spavi  
e debota mal me son senti,  
parchè la radio de me casa  
che i farà tabuła rasa,  
la me conta, dele giare  
de Imer e de me mare.

Saralo propio vera  
che fora al pont i fa na sera,  
che i Masochi i starà mal  
fin fora al Pedenal,  
che insieme ai so salezz  
i sepolis paraže paraže e pezi

En lago dei pi grandi,  
anva se ti Imer ti piandi,  
vegnerà fora del Ghebo noss  
e a mi me ven la toss  
se pense ale giàzere  
che sepolirà le capussere.

E sarà en giàz fret  
che ancora nessun lo cret!  
Come de tenza na gran calgera  
sempre piena mattina e sera  
e ve segure che fin a maio,  
par far spress, non occorcerà comio.

E al pont aerè pi estro  
de dir en padrenostro a S. Silvestro,  
parchè, dal Bus fin alle Sieghe,  
nessun de noi se neghe  
a passar in or co la coriera  
quan che den vers non ghen sarà pi  
tera.

Eu mai, pensà, cari alnerci  
che tel Ghebo vegnerà el Vanoi  
che da part de la Noana  
no/ aeron pi brentana  
che el arden del Cismon  
el durerà fin che vivon.

Saron scusadi de inaguar  
quanche noi aeron el mar  
gnet pi roste, gnent canai  
gnent pi l'ope dei roai  
gnent pi sofiarse sule ongiale  
parchè le man tegneron te le scar-  
sele.

Adio siegadori e antai  
no/ sen ghen vederà pi mai  
no pi caore e fede  
sule giare e desumenar le mede  
no ghen sarà pi slavaže  
ladò vesin ale paraže.

E dent che cor dei di pi bei  
fora dei Spini coi restei,  
pi no ghen sarà, e tosati  
che para via i mussati  
coi cari e carghe de sbalèk,  
magari col fen tut cèk.

Ale femene la ghe toca bela  
no poder pi sdender canevela  
e binar scarson e anca radici  
e en cik de erba par conici  
Ma par i tosati son segur che resta  
pencùk sui ardeni a binar de festa.

E al Bus e ai Masi che farali?  
Ma speron che tuti i mali  
polit e prest i ghe li paghe  
Ghe basterà le scarsele de le braghe  
par metter entra tanti mili  
e farse su le case sora i Guselini.

Me par de veder i Salèri  
piander par via dei so perèri,  
ghe resterà pin sù noghere  
sosineri e fargesere.  
A far fen sù par i menudi  
manderon Bettegoi e Taffudi.

En lago, muli, en lago pescadori!  
no demò sguete e marsoi sui ori  
del Ghebo e de la rosta col piron  
te l'aqua granda ciaperon,  
ma slope grasse co la cresta  
magneron, al vendre e ala festa.

E po, quei sieri i ne promet  
se fon del bon, e chi no cret?  
tanta luce, parchè la dase  
par le nosse nove case  
cossì le strade e canisele  
le sarà tant tant pi bele.

E po molini e anca sieghe  
par el sork e par le breghe.  
Tel casel e la lissiera  
macchine aeron, se l'e vera  
E te i volti e te i biavèri  
luce aeron e dei fenèri.

Col lago tante porcherie  
sconderon e rumarie:  
scudele sfente, fassaroi  
dalmede rote e po caldroi  
pognate, vieri e bocai  
che ades i e do par sti roai.



Per far fora sto mescor  
ve domandè el voss parer,  
a voi che se intressadi  
se i ve nega i vossi pñadi.  
Ai Masi e a Imer stazèu ben  
se do ale giare nonfarè pi fen ?

Oleu che sie par quei giaroi  
e per quei quatro salei  
tei pochi ronchi in or al tom  
no e mai binà gnent de bon  
No ste a pensarghe, diseme adess  
che senza slavaže le propio instès.

Ghe domande prima ai Duanoi  
che i va d'accordo coi Bettegoi;  
despò ven i Meneghei  
sempre a una coi Colesei:  
che dirali i Bortolini ?  
Col parer de tutti i Gini ?

No asse indrio i Cardeneri  
i Tafadi i Brighiti e Saleri  
la parola Despò ai Paneti  
ai Luži, Ciari e Gaspareti  
I Romagne ven e i Martinoi  
I Campi, i Teni e i Margiottoi.

Parchè assar fora i Sini  
i Carli, la Giota e Piandini.  
I Andree, i Soti e Mosconeti  
i Curuli, la Pentona e Bortoleti ?  
El se arie in Amal el Danetol  
assarghe dir tut al Garisciòl.

I aderito anca i Pagnati  
i Tofoli el Peti e i Cufati.  
I Mese Alte, el Caorer, la Rosinota  
e, se i ghe ne, quei de la Elisciota  
despò che le parole le Ciapelle  
el Gep, el Barat e i Sandrede.

I Romagne ades e i Ghafeti  
i Bisse, i Margiani e i Taufereți  
la Piandi, i Losi e i Pipi  
i Pierolini, el Momol e i Felipi  
e po quei che la dis sceta  
come i Semo-vili e i Ciuseta

No me desmenteghè i Minei  
e, se anca morti, i veci Schei  
el Piero Polenta e quei del Belo  
i Girolami e quei del Busarelo  
el Bono Zester e i Batisti  
el Moret el Chik, che noiò pi visti.

Mo par de sentir en sì tant  
de dotrei e i altri i faghe el gos  
a pensar che le giare i sepolis  
se le proprio vera quel che i dis  
Cossì, se olà, cari almeroi,  
prest aerè en specio tut par voi

E ti Primierot doven e vecio  
dai Roncheti ti caterà tel specio  
la Morosna coi so stoli  
i Pianoi le peže e i Coli  
e po Sn Paol, e quel che conta  
el Pavion co la so ponta.

Che bel veder sarà dal Capitel  
tel lago, Buscapiana e Barisel  
Casiei, Rižoň e Ciamadoi  
Solan, i Ronchi e Baladoi  
col del Vent, le Coste e Durighet  
Fontana longa e Prabuschet

Le case, El Prà e i Darlughì  
so le so busche tei menudi  
Santantoni e Santa Romina  
e po Fasierne e Coladina  
Segnaole, i Bisi e Nogarè  
Prà del Pian e el Fagarè

E vardè che mi no son en mago  
par dirve che noi aeron el lago.  
Ma intant quei lassù de Fiera  
noi a de farne bruta Biera  
e pensar che i siori dal Schener  
i se ferme, ai freschi, tutti a Imer.

Lassù i dis che entre a Medan  
aeron en lago de paltan  
che quan che nol venta  
sarà na posa pulloenta  
ma mi inveže ve dighe  
che le mejo no i se intrighe.

Parchè se no le bone trute  
le magneron noi, tute  
e a lori ghe asseron snasar  
la pulza del nos mar.  
A quei de le Tressane  
ghe regaleron le rane.

Pe politico masochi e almeroi  
che nesun el dighe; mi no oi  
fove coraio, refudè le giare  
tant i ve le paga care.

GHE NA ERE' FAT DE BONA GIUSTO UNA  
E EL LAGO EL VE PORTERA' FORTUNA !